



УЛСЫН ОНЦГОЙ КОМИССЫН  
ХУРЛЫН ТЭМДЭГЛЭЛ

Одоо оны 11 сарын 15-йн  
дугаар 25

Уланбаатар хот

XXXV ХУРЛЫН ТЭМДЭГЛЭЛ

Улсын онцгой комиссын XXXIV дугаар хурал 2020 оны 11 дүгээр сарын 15-ны өдрийн 11:00 цагт Төрийн ордон дахь Шадар сайдын ажлын өрөөнд 97 хувийн ирцтэй хуралдав.

Хурлыг Монгол Улсын Шадар сайд, Улсын онцгой комиссын дарга Я.Содбаатар даргалж, холбогдох шийдвэр гаргаж, үүрэг даалгаврыг өгөв.

ХЭЛЭЛЦСЭН НЬ:

1. Эрүүл мэндийн яамны мэдээлэл (Коронавируст халдварт /Ковид19/ хүн амын дунд бүртгэгдсэн байдал, дэгдэлтийн цар хүрээ, эрсдэлийн үнэлгээ);

Эрүүл мэндийн сайд,  
Улсын онцгой комиссын гишүүн Т.Мөнхсайхан,

2. Гамшгаас хамгаалах бүх нийтийн бэлэн байдлын зэрэгт шилжүүлсэн хугацааг сунгах тухай;

Улсын онцгой комиссын орлогч дарга,  
Онцгой байдлын ерөнхий газрын дарга,  
бригадын генерал Г.Ариунбуян

3. Засгийн газрын 2020 оны 11 дүгээр сарын 11-ний өдрийн 178 дугаар тогтоолоор бүх нийтийн бэлэн байдалд шилжүүлсэн нөхцөл байдлын үед газрын тосны бүтээгдэхүүний хангамжийн тогтвортой байдлыг хангах, нөөц бүрдүүлэхтэй холбоотой авч хэрэгжүүлэх зарим арга хэмжээ болон уул уурхайн бүтээгдэхүүний үйлдвэрлэлт, тээвэрлэлт, экспорт тус бус нутгийн халдварт хамгаваллын дэглэмийг чангатгах талаар;

Уул уурхай, хүнд үйлдвэрийн сайд,  
Улсын онцгой комиссын гишүүн Г.Ёндон;

4. Бусад

## ШИЙДВЭРЛЭСЭН НЬ:

Нэг Засгийн газрын Хэрэг зэрхлэх газрын Тэргүүн дэд дарга,  
Улсын онцгой комиссын гишүүн Б.Ганбат,

Улсын онцгой комиссын орлогч дарга,  
Онцгой байдлын ерөнхий газрын дарга,  
бригадын генерал Г.Ариунбуян нарт

1.1. Засгийн газрын 2020 оны 178 дугаар тогтоолын 1 дэх хэсэгт заасан гамшигаас хамгаалах бүх нийтийн бэлэн байдлын зэрэгт шилжүүлсэн хугацааг 2020 оны 11 дугээр сарын 17-ны өдрийн 06:00 цагаас 2020 оны 11 дугээр сарын 24-ний өдрийн 06:00 цаг хуртэл хугацаанд сунгах асуудлыг Засгийн газрын хуралдаанаар хэлэлцүүлж, шийдвэрлүүлэхээр тогтов.

Хоёр. Эрүүл мэндийн сайд,  
Улсын онцгой комиссын гишүүн Т.Мөнхсайхан,  
Боловсрол, шинжлэх ухааны сайд Л.Цэдэвсүрэн,

Цагдаагийн ерөнхий газрын дарга,  
Улсын онцгой комиссын гишүүн, цагдаагийн хурандaa Ж.Болд,  
Мэргэжлийн хяналтын ерөнхий газрын дарга,  
Улсын онцгой комиссын гишүүн Т.Гантулга,  
Эрүүл мэндийн улсын албаны шуурхай штабт.

2.1. Коронавируст халдвартын /КОВИД-19/-ын цар тахалтай тэмцэх хариу арга хэмжээний оперативийн цагийн төлөвлөгөөг боловсруулах, хүч хэрэгсэл, нэн шаардлагатай неецийн тооцоо, дайчилгаа, нүүлгэн шилжүүлэх төлөвлөгөөг салбар бүрээр тодотгож, нэгдсэн төлөвлөгөөг нөхцөл байдалтай уялдуулан дахин боловсруулж батлуулах;

2.2. Үүссэн цагийн байдалтай уялдуулан хүч хэрэгслийн тооцоо, алба хаагчдын ажиллах хуваарь, неецийг оновчтой тооцоо, "Онц байдал" зарласан тохиолдолд авч хэрэгжүүлэх арга хэмжээний төлөвлөгөөг боловсруулж (тодотгож), бэлтгэл бэлэн байдлыг дээшлүүлэх;

2.3. Нөхцөл байдал, хэрэгжүүлж байгаа арга хэмжээний талаарх мэдээ, мэдээлэл солилцох, дээд шатны байгууллага, албан тушаалтны шийдвэр, үүрэг, чиглэлийг шуурхай мэдээлэх салбар хоорондын мэдээлэл солилцох механизмыг оновчтой болгох, мэдээллийн аюулгүй байдлыг хангах;

2.4. Гамшигаас хамгаалах бүх нийтийн бэлэн байдлын зэрэгт шилжүүлсэн хугацааг сунгасантай холбогдуулан Ерөнхий боловсролын сургуулийн хичээлийг 2020 оны 11 дугээр сарын 17-ний өдрөөс 12 дугаар сарын 18-ны өдрийг хуртэл

цахим хэлбэрээр зохион байгуулах асуудлыг судлан зохих шийдвэр гарган хэрэгжүүлэх;

2.5. Улаанбаатар хотод албан томилолт, сургалт, эрүүл мэндийн үйлчилгээ авах, хувийн хүндэтгэх шалтгаанаар ирсэн иргэдийг шинжилгээнд хамруулж, орон нутагт нь буцаах бооломжийг судлан шийдвэрлэх;

2.6. Эрүүл мэндийн улсын албаны шуурхай штабын бүрэлдэхүүнд холбогдох байгууллагуудын шийдвэр гаргах эрх бүхий албан тушаалтан, мэргэжлийн алба хаагчдыг томилгоожуулж, чиг үүрэг, хариуцлагыг тодорхой болгож, баталгаажуулах;

2.7. Эмнэлгийн байгууллагын эмч, эмнэлгийн ажилтан, голомттой бүс нутгаас иргэдийг тэзвэрлэн авч ирсэн болон нэн эрдэлтэй нөхцөлд ажиллаж байгаа ажилтан, албан хаагчдын эрүүл мэнд, аюулгүй байдалд онцгой анхаарах, халдварт хамгааллын дэглэмийн чанд мөрдүүлж ажиллах;

2.8. Тусгаарлах, ажиглах байранд цар тахлын халдвартын үед тусгаарлах ажиглах журмыг чанд сахиулах, тусгаарлах байрны орчин нөхцөл, үйл ажиллагааг сайжруулах, ариутгал халдвартайжуулэлтийг тогтмол зохион байгуулж байх;

2.9. Коронавируст халдварт /Ковид-19/-аар нас барагт бүртгэгдсэн тохиолдолд цогцос чандарлах асуудлыг шийдвэрлэх, төлөвлөгөөнд тусгах;

2.10. Коронавируст халдварт /Ковид-19/-ын үед эмнэлгийн хог хаягдлыг "Эрүүл мэндийн байгууллагын хог хаягдлыг ангилах, цуглуулах, хадгалах, тэзвэрлэх, устгах журам"-ын дагуу устгах ажлыг зохион байгуулж, халдварт хамгааллын дэглэмийн хяналтыг сайжруулах;

2.11. Тусгаарлах байруудад хийсэн хяналт, шалгалтын дунг 2020 оны 11 дүгээр сарын 16-ны едрийн дотор танилцуулах;

Гурав. Зам, тээврийн хөгжлийн сайд,  
Улсын онцгой комиссын гишүүн Л.Халтар.

Уул уурхай, хүнд үйлдвэрийн сайд,  
Улсын онцгой комиссын гишүүн Г.Ендөн,

Эрүүл мэндийн сайд,  
Улсын онцгой комиссын гишүүн Т.Мөнхсайхан.

Хөдөлмөр, нийгэм хамгааллын яамны Төрийн нарийн бичгийн дарга,,  
Улсын онцгой комиссын гишүүн Г.Өнөрбаяр.

Улсын онцгой комиссын орлогч дарга,  
Онцгой байдлын ерөнхий газрын дарга,  
бригадын генерал Г.Ариунбуян,

Хил хамгаалах ерөнхий газрын дарга,  
Улсын онцгой комиссын гишүүн, бригадын генерал Ж.Бямбасүрэн,

Цагдаагийн ерөнхий газрын дарга,  
Улсын онцгой комиссын гишүүн, цагдаагийн хурандаа Ж.Болд,

Гвалийн ерөнхий газрын дарга,  
Улсын онцгой комиссын гишүүн Б.Асралт,

Мэргэжлийн хяналтын ерөнхий газрын дарга,  
Улсын онцгой комиссын гишүүн Т.Гантулга,

Ашигт малтмал, газрын тосны газрын дарга Х.Хэрлэн,

Улаанбаатар төмөр замын дарга Д.Жигжиднямаа,

Аймаг, нийслэлийн Засаг дарга, Онцгой комиссын дарга наарт,

Газрын тосны бутээгдэхүүний худалдаа эрхлэгч ААН-үүдэд,

Уул уурхайн голлох бутээгдэхүүн экспортлогч,  
эрчим хүчиний нүүрс олборлогч ААН-үүдэд;

3.1. Газрын тосны бутээгдэхүүн / автобензин, дизель тулш, шатдаг хий, тос тослогооны материал г.м/ -ий тасалдал, хомсдол үүсэхээс сэргийлэх зорилгоор төмөр замын Сүхбаатар, Замын-Үүд, Эрзэнцав боомтуудаар импортоор орж ирж буй бүх бутээгдэхүүнийг хил нэвтрүүлэхтэй холбоотой ўйл ажиллагааг холбогдох хууль тогтоомжийн дагуу шуурхай зохион байгуулах, халдварт хамгааллын дэглэмийг чанд мөрдөхийг холбогдох байгууллага, албан тушаалтнуудад чиглэл болгох;

3.2. Увс аймаг дахь Боршоо авто замын боомтын цаана гацсан тээврийн хэрэгслийг нэг удаа татах авах асуудлыг холбогдох хууль тогтоомжийн хүрээнд зохион байгуулах талаар судалж танилцуулах;

3.3. Монгол улсын нийт нутаг дэвсгэрийн хэмжээнд газрын тосны бутээгдэхүүний /бүх төрлийн автобензин, дизель тулш, шатдаг хий, тос тослогооны материал г.м/ хангамжийг тогтвортой байлгах ажлын хүрээнд тэдгээрийн тээвэрлэлт, түгээлтийг холбогдох хууль тогтоомжийн дагуу аймаг, нийслэл, орон нутагт саадгүй нэвтрүүлэх ажлыг зохион байгуулах;

3.4 Эрчим хүчиний нүүрсээр тасралтгүй найдвартай хангах, аюулгүйн нөөцийг бүрдүүлэх үүрэг бүхий нүүрсний уурхайнууд, экспортын голлох ашигт малтмал олборлогч ААН-үүдийн ўйл ажиллагааг тасралтгүй хэвийн явуулахад шаардлагатай арга хэмжээг авах;

3.5 Уул уурхайн олборлогч ААН-үүдийн ажилтан албан хаагчдын эрүүл мэнд, аюулгүй байдалд онцгой анхаарч халдварт хамгаалалтын дэглэмийг чанд мөрдүүлж, эрүүл мэндийн үзлэг, оношлогоонд хамрагдсан ажилчдыг зэлж солих,

шилжилт хөдөлгөөн хийхтэй холбогдох асуудлыг хууль тогтоомж, заавар зөвлөмжид нийцүүлэн шийдвэрлэх, холбогдох зардлыг ААН-үүдэд хариуцуулах;

3.6 Уул уурхайн зориулалттай сэлбэг хэрэгсэл, техник тоног төхөөрөмж, тэсрэх бодис, тэсэлгээний хэрэгсэл бараа материалын тээвэрлэлт, түгзэлтийг халдварт хамгааллын дэглэмийг сайтар мөрдөж, ариутгал, халдварт гүйжүүлэн холбогдох хууль тогтоомжийн дагуу аймаг, нийслэл, орон нутагт саадгүй нэвтрүүлэх;

Дөрөв, Зам, тээврийн хөгжлийн сайд,  
Улсын онцгой комиссын гишүүн Л.Халтар,

Уул уурхай, хүнд үйлдвэрийн сайд,  
Улсын онцгой комиссын гишүүн Г.Өндөн,

Улсын онцгой комиссын орлогч дарга,  
Онцгой байдлын ерөнхий газрын дарга,  
Бригадын генерал Г.Ариунбуян,

Хил хамгаалах ерөнхий газрын дарга,  
Улсын онцгой комиссын гишүүн, бригадын генерал Ж.Бямбасүрэн,

Цагдаагийн ерөнхий газрын дарга,  
Улсын онцгой комиссын гишүүн, цагдаагийн хурандаа Ж.Болд,

Мэргэжлийн хяналтын ерөнхий газрын дарга,  
Улсын онцгой комиссын гишүүн Т.Гантулга,

Цаг уур, орчны шинжилгээний газрын дарга,  
Улсын онцгой комиссын гишүүн С.Энхтувшин нарт.

4.1. Авто замын шалган нэвтрүүлэх товчоо, цэгүүдэд үүрэг гүйцэтгэж байгаа алба хаагчдыг нэгдсэн удирдлага, зохион байгуулалт, мэдээллээр хангах, зөвшөөрөгдсөн чиглэлээр хөдөлгөөн үйлдэж байгаа иргэд, аж ахуйн нэгж, байгууллагуудад хундрэл, чирэгдэл учруулахгүйгээр хязгаарлалтын дэглэмийг сахиулах;

4.2. Хүнсний гол нэрийн бүтээгдэхүүний нөөц, хангамж, нийлүүлэлтийн хэвийн үйл ажиллагааг хангаж, орон нутгаас орж ирж байгаа болон нийслэлээс гарч байгаа хүнсний тээвэрлэлтийг саадгүй нэвтрүүлэх, унийн тогтвортой байдлыг хангах, хяналт шалгалтыг чангатгаж ажиллах;

4.3. Цаг уур, орчны шинжилгээний газраас Дэлхийн цаг уурын байгууллагын бүсийн төвүүдэд байгалийн гамшиг, осол, хүн, малын гоц халдварт ёвчин тархалтын үед "Цаг уурын ажиглалтын мэдээ"-г 3 цаг тутамд мэдээлдэг тул тус байгууллагыг бух нийтийн бэлэн байдлын зэрэгт шилжүүлсэн үед хэвийн ажиллах боломжоор хангаж, авто замын пост, хяналтын цэгээр бичиг баримтыг шалган саадгүй нэвтрүүлж байх;

4.4. Коронавируст халдвар /Ковид-19/-ын голомтын бүсэд үүрэг гүйцэтгэж байгаа алба хаагчдыг хүн нэг бурийн хамгаалах хувцас, хэрэгслээр хангаж, ашиглах зааварчилгаа өгөх. Хүйтний улирлын хувцас өмсөж байгаатай холбогдуулан хамгаалах хувцасны төрөл, хэмжээ, цаг агаарын нөхцөлтэй уялдсан байх талаар анхаарах, илчлэг, дархлаа дэмжих хоол, хүнс, унаагаар хангах;

4.5. Хот, суурин газрын дотор коронавируст халдвар /Ковид-19/-ын эрсдэл өндөр бүхий объект, худалдаа үйлчилгээний байгууллагууд, гудамж, талбайд ариутгал, халдвартгуйжүүлтийн арга хэмжээг зохион байгуулах, голомт бүхий нийслэл, аймгуудаас гарч байгаа автомашин, тээврийн хэрэгсэлд ариутгал, халдвартгуйжүүлэлтийг заавал хийх, халдвар хамгааллын дэглэмийг чанд сахиулах;

4.6. Бүх нийтийн бэлэн байдлын зэрэгт шилжүүлсэн үеийн Эрчим хүч, дулаан, цахилгаан, усан хангамж, мэдээлэл технологийн хэвийн үйл ажиллагааг хангах, шаардлагатай неөцийг бурдуулж бэлэн байдлыг хангуулах;

Тав. Улсын онцгой комиссын гишүүд,

Аймаг, нийслэлийн Онцгой комиссын дарга нарт:

5.1. "Коронавируст халдвар /Ковид-19/-ын цар тахлаас урьдчилан сэргийлэх, тэмцэх, нийгэм, здийн засагт үзүүлэх серег нэлөөллийг бууруулах тухай хууль"-ийн хүрээнд батлагдаагүй байгаа журмуудыг нэн яаралтай батлан, хэрэгжилтийг хангаж ажиллах;

5.2. Хууль тогтоомж, шийдвэрийг зөрчсөн байгууллага, албан тушаалтан, хувь хүн, хуулийн этгээдэд Коронавируст халдвар /Ковид-19/-ын цар тахлаас урьдчилан сэргийлэх, тэмцэх, нийгэм, здийн засагт үзүүлэх серег нэлөөллийг бууруулах тухай хууль, Зөрчлийн тухай хууль, Эрүүгийн хэрэг хянан шийдвэрлэх тухай хууль, Гамшгаас хамгаалах тухай хууль, Өрсөлдөөний тухай хууль, Терийн албаны тухай хуулийн дагуу хариуцлага тооцо арга хэмжээг тухай бүр шуурхай авч хэрэгжүүлэх, энэ талаар хэвлэл, мэдээллийн хэрэгслээр олон нийтэд мэдээлэх;

5.3. Аймаг хоорондын тээврийн шалган нэвтрүүлэх товчоо, хяналтын цэгүүдээр өвс тэжээл, тулээ, тулшийг зөөврөлөх тээврийн хэрэгсэл, жолоочийг халдвар хамгааллын дэглэмийг чанд сахиулж, шуурхай, саадгүй нэвтрүүлэх;

5.4. Эрүүл мэндийн улсын албаны шуурхай штабыг шаардлагатай мэдээ мэдээллээр хангаж, ажлын уялдаа холбоог хангах;

Зургаа. Улсын онцгой комиссын орлогч дарга,

Онцгой байдлын ерөнхий газрын дарга,

бригадын генерал Г.Ариунбуян,

Төрийн тусгай хамгаалалтын газрын дарга.

хурандаа П.Батсаа нарт.

6.1. Засгийн газрын болон Улсын онцгой комиссын хуралдааныг цахим хэлбэрээр хуралдуулах тухай журмын төслийг боловсруулж Улсын онцгой комисст танилцуулах;

Долоо Харилцаа холбоо, мэдээллийн технологийн газрын дарга,

Улсын онцгой комиссын гишүүн Б.Болор-Эрдэнэд:

7.1 Олон улсад хэрэглэж байгаа мэдээлэл технологийн ололт амжилтыг нэвтрүүлэх, аппликашн, программыг нэн яаралтай хөгжүүлж бэлэн болгох;

МОНГОЛ УЛСЫН ШАДАР САЙД,  
УЛСЫН ОНЦГОЙ КОМИССЫН ДАРГА

Содбаатар  
И.СОДБААТАР

УЛСЫН ОНЦГОЙ КОМИССЫН НАРИИН БИЧГИЙН ДАРГА,  
ДЭД ХУРАНДАА

Т.МӨНХДОРЖ